



Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

XVII. Romam anno sæculari sacro cogitat.

urn:nbn:de:hbz:466:1-45256

mi fuit, non lecto; sed tabulis li-
gneis, villoso tegmine instratis,
vslus. Ante somnum seipse accu-
rate excutiebat, apparitoris, li-
ctoris, rei, & iudicis sustinere se
personam fingens. Quo vitæ ge-
nere factum est, ut fama disle-
minata, illius visendi gratia, dy-
nastæ aliquot Gandiam vene-
rint: in his & Episcopus Cartha-
ginis Spartariæ, Stephanus Al-
mayda; datis etiam ea de re ho-
norificis ad amicum literis.

CAPVT XVII.

*Romam anno saeculari sacro co-
gitat.*

CESSERAT dies, quem Pon-
tifex rebus componendis
FRANCISCO præfixerat, & de-
curso iam triennij studiorum
spatio, annus saecularis sacer, qui
hodie *Iubilæus*, imminebat. Ro-
mam

98 DE VITA FRAN. BORG.

mam itaque proficisci decreuit,
cum ut principum Apostolo-
rum, quæ tum rite vniuersa pan-
duntur, limina frequentaret;
tum Ignatij videndi studio: de-
nique ne sua iterum opera Cæ-
sar in negotijs obeundis vtere-
tur. Verebatur contra, ne Rome
præsens cum esset, à Paulo III.
contra Societatis institutum,
Cardinalium Collegio inuitus
adscriberetur: quod Alexander
VI. gentis Borgiæ, purpureo illū
olim galero donasset. Auxerat
quoque metum, quod FRANCISCI
fratres duo, ab eo ipso Pau-
lo Cardinales nuper creati fue-
rant. Sed commode cecidit,
quod Paulus ex humanis exem-
ptus, Iulio item tertio vacuam
sedem Pontificiā reliquit. Con-
ditis igitur testamenti tabulis.
Carolum, familiæ heredem, se-
uocat.

uocat. Postremum nocte, inquit,
Carole fili, forsan alloquor. Romam
iter adornari vides, anno seculari sa-
cro, ut Apostolorum limina exoscu-
ler. Societati IESV me volens addi-
xi, bonis me, titulisq; abdicaturus:
quo viuam securius, eternamq; bea-
titudinem, Deo bene iuuante, conse-
quar. Fratres itaque, ditionemque
Gandensem tuæ committo fidei: tu
vicißim da operam, ne eam tibi, fa-
miliae principi, commisſe nos ali-
quando pœniteat. Ius, & aquum in
primis tuere: consiliarios prudentes
fidosque adhibe, qui verum libere
dicant; non assentando blandian-
tur. Ciuium potius, quam tuis com-
modis stude, & amari, quam time-
ri malis. Triatibi cœnobia, tam-
quam maiorum monumenta, in
manus trado: Lombayæ, Sodali-
um S. Dominici; Gandiae, Secio-
rum, & D. Clarae Virginum, in qui-
bus

100 DE VITA FRAN. BORG.

bus soror est, & amitæ. Piorum enim hominum precibus, consilioq; respub. feliciter geritur. Deum, quod rei caputest, time, & religiose colito. Hunc inspectorem rerum humanarum in oculis gestato, & Iudicem exspecta. Salve, & Vale. Marchio lacrymis vbertim fusis, paucis optima quæque pollicitus, dexteram parentis, more gentis, exosculatur. FRANCISCVS, cæteros ordineliberos complexus, valedixit; Ioanne tantum, natu secundo, patrem comitante: moxque vicinum Societatis collegium ingressus, comites adscivit Antonium Araoz, Franciscum Stradam, sempTEM item alios Sacerdotes.

CAPVT XVIII.

Roma comiter à Pontifice, & Ignatius accipitur.

E QVIS